

COMISIÓN INFORMATIVA DE TERMALISMO, TURISMO E MEDIO AMBIENTE

ACTA da mencionada comisión informativa, correspondente ao día **17 de outubro de 2019**

Na sala de xuntas do Pazo Provincial da Deputación de Ourense, ás 17.30 horas do día 17 de outubro de 2019, reúnese a comisión informativa de Termalismo, Turismo e Medio Ambiente, coa asistencia dos seguintes deputados e deputadas:

Presidenta: D.^a Ana María Villarino Pardo (do Grupo Popular)

Deputados/as do Grupo Popular:

D. César Manuel Fernández Gil

D.^a Consuelo Vispo Seara

D. Miguel Antonio Cid Álvarez

D.^a Ana Patricia Torres Madureira

Deputados/as do Grupo Socialista:

D.^a Margarita Pérez Fernández

D.^a Elvira Lama Fernández

D. Álvaro Vila Araújo

Deputado de Democracia Ourensana: D. José Miguel Caride Domínguez

Deputado do BNG: D. Bernardo Varela López

Deputada de Ciudadanos-Partido de la Ciudadanía: D.^a Montserrat Lama Novoa

Secretario: D. Juan Marquina Fuentes

Interventora: D. José Mosquera Casero

Seguidamente, iniciouse o tratamento dos asuntos incluídos na orde do día, do xeito que se reflicte a continuación:

1º.- APROBACIÓN DA ACTA DA SESIÓN ANTERIOR, CORRESPONDENTE Á ORDINARIA DO DÍA 19 DE SETEMBRO DE 2019.-

Pola Secretaría Xeral deuse traslado do borrador da acta anterior, correspondente á ordinaria do día 19 de setembro de 2019.

Non se producen intervencións e por unanimidade a comisión adopta o seguinte acordo:

Aprobar a acta da sesión ordinaria da Comisión Informativa de Termalismo, Turismo e Medio Ambiente, do día 19 de setembro de 2019, conforme co borrador elaborado pola Secretaría Xeral.

2º.- MODIFICACIÓN DA ORDENANZA FISCAL REGULADORA DAS TAXAS DO SERVIZO INTERMUNICIPAL DELEGADO DE RECOLLIDA, TRATAMENTO E ELIMINACIÓN DE RESIDUOS SÓLIDOS URBANOS E DOS PUNTOS LIMPOS DA PROVINCIA DE OURENSE

A presidenta da comisión cédelle a palabra ao director da Área de Medio Ambiente da Deputación Provincial para explique o contido da proposta.

D. Javier Bobe Vázquez, director da Área de Medio Ambiente, comeza lembrando o vixente convenio marco do ano 2014, asinado entre a Deputación Provincial e os concellos da provincia que optaron pola xestión intermunicipal e por delegación na Deputación Provincial de Ourense destes servizos. O dito convenio establece que lle corresponde á Deputación Provincial o establecemento e fixación das taxas, sen prexuízo de que os concellos que así o desexen poidan manter as súas ordenanzas fiscais propias. Indica que o motivo principal da modificación é a bonificación do canon único de Sogama prevista a partir do 1 de xaneiro de 2019 e que se estima conveniente recoller na ordenanza, para o que hai que cumprir unha serie de requisitos establecidos na orde reguladora. Indica que a Área de Medio Ambiente elaborou un estudo para cuantificar cal é o peso do canon de Sogama na totalidade do custo do servizo, botando un resultado dunha porcentaxe do 41,2%, polo que ao ser a bonificación no canon dun 10% a porcentaxe para bonificar nos recibos dos usuarios será dun 4,12%. Engade que ademais se impón a obrigatoriedade de que a dita bonificación se aplique con efectos de 1 de xaneiro de 2019. Para isto, indica que a Deputación, tralo consenso previo con Sogama, optou por tramitar a modificación da ordenanza ao longo do ano 2019 e para que teña entrada en vigor o 1 de xaneiro de 2020, momento no que se aplicaría unha única bonificación no primeiro recibo de todos os usuarios, correspondente á bonificación que lle correspondese no ano 2019. Engade que outra das cuestións que se modifican na ordenanza é o establecemento dunha fórmula de revisión dos prezos non automática, xa que a lexislación sobre a desindexación o prohibe e que vai permitir que cada ano se actualice a dita tarifa en función dos criterios previstos na dita fórmula, o que se fará cunha resolución da Presidencia e publicación no BOP. Manifesta que se ben o informe de Secretaría indica que na tramitación non se seguiu o procedemento previsto no convenio marco, este dáse por válido no proio

informe xa que se realizou un trámite a maiores e non previsto no convenio e polo que se solicitou de forma expresa a todos os concellos adheridos a súa conformidade, a cal xa foi obtida. A última modificación da ordenanza consiste en ampliar o ámbito territorial de aplicación cos novos concellos adheridos. Po último manifesta que se pon a disposición dos asistentes para calquera aclaración ao respecto da modificación da ordenanza fiscal.

D. Álvaro Vila Araújo, do Grupo Socialista, pregunta se desde a Deputación se está valorando outra forma de repercutir o custo do servizo que non sexa o da poboación, xa que na súa opinión o dito criterio supón gravar en exceso a aqueles concellos que realicen campañas ou poñan medios para fomentar a recollida selectiva e redución das cantidades de residuos, e pregunta quen vai ser a entidade que certifique, se a Deputación ou os concellos, fronte Sogama o volume de residuos recollidos.

D. Javier Bobe Vázquez, director da Área de Medio Ambiente, contesta que evidentemente vai ser a Deputación a que certifique, no lugar de todos os concellos adheridos, e que no caso de que non alcancen os requisitos previsto Sogama refacturará o 10% de bonificación con respecto ao maior volume de toneladas, debendo neste caso a Deputación trasladarlle a dita refacturación ao concello responsable.

D. Álvaro Vila Araújo, do Grupo Socialista, volve insistir na posibilidade de que se busquen fórmulas de redución do volume de residuos e que se prime a recollida selectiva no modelo de xestión da Deputación.

D. Javier Bobe Vázquez, director da Área de Medio Ambiente, contesta que iso é un debate que vai máis alá da modificación da ordenanza fiscal que hoxe se formula, que é un problema que non está resolto practicamente en ningún lugar, se ben a normativa comunitaria indica que haberá que avanzar nesa liña.

D. Bernardo Valera López, portavoz do BNG, indica que na súa opinión a bonificación do canon que brinda Sogama non é máis que un brinde ao sol despois das numerosas subidas que sufriu o canon nos últimos anos e as cales por certo non se obrigaba a repercutir nos usuarios como si se fai con esta bonificación. Indica que a baixada do recibo do lixo na súa opinión non se debe realizar, xa que manda unha mensaxe equivocada para os usuarios, xa que debe existir a conciencia de que é un servizo moi importante e de gran custo, tanto económico como ambiental.

Non se producen máis intervencións e co voto favorable do Grupo Popular (5) e de Democracia Ourensana (1) e a abstención do Grupo Socialista (3), do BNG (1) e de

Ciudadanos-Partido de la Ciudadanía (1), a comisión ditamina favorablemente a adopción, por parte do Pleno, do seguinte acordo:

1º) Aprobar provisionalmente a modificación parcial da Ordenanza fiscal reguladora das taxas do servizo intermunicipal delegado de recollida, tratamento e eliminación de residuos sólidos urbanos e dos puntos limpos da provincia de Ourense, publicada no BOP de 4 de setembro de 2014, no seguinte sentido:

a) Modifícase o artigo 1.1, quedando redactado do seguinte xeito:

1. Constitúe o obxecto da presente Ordenanza fiscal a ordenación e imposición das taxas correspondentes ao servizo intermunicipal delegado de recollida, tratamento e eliminación de residuos sólidos urbanos e puntos limpos nos municipios de Amoeiro, Avión, Baltar, Bande, Beariz, Os Blancos, A Bola, O Bolo, Boborás, Calvos de Randín, Entrimo, A Gudiña, O Irixo, Larouco, Lobeira, Lobios, Manzaneda, Muíños, O Pereiro de Aguiar, A Peroxa, A Pobra de Trives, Petín, Porqueira, Punxín, Rairiz de Veiga, Riós, A Rúa, Rubiá, San Amaro, San Cibrao das Viñas, San Cristovo de Cea, San Xoán de Río, Sandiás, Sarreaus, Trasmiras, Vilamarín e Vilamartín de Valdeorras.

b) Modifícase o artigo 5, incluíndo dous novos parágrafos, 9 e 10, co seguinte contido:

9. Establécese un índice de custo repercutible actualizable (CRA) a determinar cada ano baseado na variación anual do custo real do servizo. Neste índice inclúense, exclusivamente, os custos que a Deputación Provincial liquida aos concellos e non se contemplan os custos financeiros, gastos xerais ou de estrutura, beneficio industrial e amortizacións.

10. As contías das tarifas serán revisadas anualmente de acordo coa seguinte fórmula de revisión:

Coeficiente de revisión para A = $CRA_{-1}/CRA_{-2} \times 0,9435 + 0,0565$

Onde:

Coeficiente de revisión para A é o coeficiente de revisión das tarifas para o ano A, a aplicar sobre as tarifas vixentes no ano anterior (A_{-1}).

CRA_{-1} é o sumatorio dos custos repercutidos actualizables (todos agás a amortización) da liquidación practicada para o ano anterior ao da aplicación da revisión (A_{-1}).

CRA_{-2} é o sumatorio dos custos repercutidos actualizables (todos agás a amortización) da liquidación practicada para o ano anterior ao do CRA_{-1} (A_{-2}).

A revisión adoptarase por resolución motivada da Presidencia, que será obxecto de publicación no Boletín Oficial da Provincia.

c) Modifícase a Disposición Adicional da ordenanza, quedando redactado como segue:

Establécese unha bonificación única e transitoria a aplicar no primeiro recibo do ano 2020 equivalente ao 4,12 % da tarifa correspondente do ano 2019, de conformidade coa bonificación na contía do canón unitario de tratamento por tonelada de residuos entregados a SOGAMA (creada pola Lei 3/2018, de 26 de decembro de medidas fiscais e administrativas de Galicia modificando a Lei 11/2013, de 26 de decembro de orzamentos xerais da Comunidade Autónoma de Galicia para o ano 2014). Esta bonificación é a recollida no Anexo IV.

O texto do Anexo IV é o seguinte:

ANEXO IV BONIFICACIÓN APLICABLE AO EXERCICIO 2019 (liquidable no primeiro recibo do ano 2020)

TARIFAS XERAIS DE VIVENDAS	
EPÍGRAFES	Bonificación 2019
<i>Vivendas</i>	
Vivendas RURAIS (1-3 veces/semana)	-2,39 €
Vivendas URBANAS (4-6 veces/semana)	-2,99 €

TARIFAS DE ACTIVIDADES ECONÓMICAS	
EPÍGRAFES	Bonificación 2019
Hoteis, hostais, pensións, casas de hóspedes, por cada 5 habitacións ou fracción	-2,39 €
Cámpings, por cada tres parcelas de tenda o rouloute (caravana ou autocaravana), ou bungaló	-2,39 €
<i>Restaurantes e similares</i>	
Restaurantes ata 100 m ²	-7,17 €
Restaurantes de 100- 350 m ²	-11,95 €
Restaurantes de mais de 350 m ²	-23,90 €
<i>Bares, cafeterías e similares</i>	
Bares, cafeterías e similares	-7,17 €
Peñas culturais, asociacións e entidades sen ánimo de lucro	-2,39 €
<i>Salas de festas, discotecas, pubs, bingos, e bares con música</i>	
Salas de festas e/ou celebracións e discotecas	-23,90 €
Pubs e bares con música e similares	-11,95 €
Bingos	-7,17 €

<i>Negocios de alimentación</i>	
Tendas e autoservizos de alimentación de 0 a 100 m ²	-7,17 €
Supermercados e autoservizos de alimentación de 100 a 350 m ²	-16,73 €
Hipermercados e autoservizos de alimentación de más de 350 m ²	-35,84 €
Carnicerías e peixerías	-7,17 €
Froiterías	-9,56 €
Confeiterías, panaderías (hornos e despachos de pan)	-7,17 €
<i>Outros Negocios de</i>	
Venda ó por menor e detalle de produtos non perecedoiros de 0-100 m ²	-7,17 €
Venda ó por menor e detalle de produtos non perecedoiros de 100-350 m ²	-14,34 €
Venda ó por menor e detalle de produtos non perecedoiros de máis de 350 m ²	-23,90 €
Almacéns, depósitos e venda ó por maior de 0-200 m ²	-7,17 €
Almacéns, depósitos e venda ó por maior de 200-450 m ²	-14,34 €
Almacenes, depósitos e venta al por maior de más de 450 m ²	-23,90 €
<i>Servizos</i>	
Ambulatorios e centros de atención médica, sen camas de hospitalización	-19,12 €
Centros de atención médica, con camas de hospitalización, por cada cinco camas ou fracción	-4,78 €
Centros de atención psiquiátrica con talleres e instalacións de actividades complementarias	-203,12 €
Centros de penitenciarias, por cada interno	-3,58 €
Cemiterios e Igrexas e templos con cemiterios	-3,58 €
Cines e teatros	-4,78 €
Bancos e caixas de aforros	-11,95 €
Academias privadas	-7,17 €
Centros docentes sen servizo de comedor	-11,95 €
Centros docentes con servizo de comedor	-23,90 €
Centros docentes con servizo de comedor e internado (por cada dúas prazas ou fracción)	-2,39 €
Residencias de anciáns e xeriátricos (por cada dúas prazas ou fracción)	-3,58 €
Centros de día, de ata 500 m ² totais	-9,56 €
Centros de día de 500 ou máis m ²	-16,73 €
Instalacións deportivas (excluído o servizo de bar ou cafeterías)	-7,17 €
<i>Oficinas, despachos e servizos profesionais</i>	
En locais de 0-100 m ²	-2,39 €
En locais de 100-200 m ²	-7,17 €
En locais de 200-300 m ²	-11,95 €
En locais de máis de 350 m ²	-16,73 €
<i>Estacións de servizo</i>	
Gasolineira sen tenda comercial	-7,17 €
Gasolineira con tenda comercial	-9,56 €
Garaxes públicos (sen lavado e engraxe), por cada 25 prazas ou fracción	-2,39 €
Talleres mecánicos e chapisterías ata 100 m ²	-7,17 €
Talleres mecánicos e chapisterías de 100-200 m ²	-11,95 €
Talleres mecánicos e chapisterías de mais de 200 m ²	-16,73 €

TARIFAS ESPECIAIS		
EPÍGRAFES		Bonificación 2019
<i>Pequenos núcleos rurais</i>		
Tascas e pequenos negocios de venda ó por menor en núcleos de menos de 200 habitantes		-2,39 €
<i>Fábricas, industrias e outras actividades non incluídas anteriormente, ou incluídas pero con produción de lixo que excede a relación de equivalencia, ou sitas en solo urbano industrial: por instalación de cada contedor de uso exclusivo, ó ano</i>		
Sen materia orgánica	1er contedor (800 l)	-9,56 €
	2ª contedor e sucesivos, por cada un de menos de 800 l	-4,78 €
	2ª contedor e sucesivos, por cada un de 800 l	-7,17 €
	2ª contedor sucesivos, por cada un de máis de 800 l	-11,95 €
Con materia orgánica	1er contedor (800 l)	-23,90 €
	2ª contedor e sucesivos, por cada un de menos de 800 l	-11,95 €
	2ª contedor e sucesivos, por cada un de 800 l	-19,12 €
	2ª contedor sucesivos, por cada un de máis de 800 l	-23,90 €

d) Modifícanse as tarifas aplicables a partir do 1 de xaneiro de 2020, quedando redactado o anexo I do seguinte xeito:

Anexo I

TARIFAS XERAIS DE VIVENDAS	
EPÍGRAFES	Tarifa ANUAL
<i>Vivendas</i>	
Vivendas RURAIS (1-3 veces/semana)	55,61 €
Vivendas URBANAS (4-6 veces/semana)	69,51 €

TARIFAS DE ACTIVIDADES ECONÓMICAS	
EPÍGRAFES	Tarifa ANUAL
Hoteis, hostais, pensións, casas de hóspedes, por cada 5 habitacións ou fracción	55,61 €
Cámpings, por cada tres parcelas de tenda o rouloute (caravana ou autocaravana), ou bungaló	55,61 €
<i>Restaurantes e similares</i>	
Restaurantes ata 100 m ²	166,83 €
Restaurantes de 100- 350 m ²	278,05 €
Restaurantes de mais de 350 m ²	556,10 €
<i>Bares, cafeterías e similares</i>	
Bares, cafeterías e similares	166,83 €
Peñas culturais, asociacións e entidades sen ánimo de lucro	55,61 €
<i>Salas de festas, discotecas, pubs, bingos, e bares con música</i>	
Salas de festas e/ou celebracións e discotecas	556,10 €
Pubs e bares con música e similares	278,05 €
Bingos	166,83 €

<i>Negocios de alimentación</i>	
Tendas e autoservizos de alimentación de 0 a 100 m ²	166,83 €
Supermercados e autoservizos de alimentación de 100 a 350 m ²	389,27 €
Hipermercados e autoservizos de alimentación de más de 350 m ²	834,16 €
Carnicerías e peixerías	166,83 €
Froiterías	222,44 €
Confeiterías, panaderías (hornos e despachos de pan)	166,83 €
<i>Outros Negocios de</i>	
Venda ó por menor e detalle de produtos non perecedoiros de 0-100 m ²	166,83 €
Venda ó por menor e detalle de produtos non perecedoiros de 100-350 m ²	333,66 €
Venda ó por menor e detalle de produtos non perecedoiros de máis de 350 m ²	556,10 €
Almacéns, depósitos e venda ó por maior de 0-200 m ²	166,83 €
Almacéns, depósitos e venda ó por maior de 200-450 m ²	333,66 €
Almacenes, depósitos e venta al por maior de más de 450 m ²	556,10 €
<i>Servizos</i>	
Ambulatorios e centros de atención médica, sen camas de hospitalización	444,88 €
Centros de atención médica, con camas de hospitalización, por cada cinco camas ou fracción	111,22 €
Centros de atención psiquiátrica con talleres e instalacións de actividades complementarias	4.726,88 €
Centros de penitenciarias, por cada interno	83,42 €
Cemiterios e Igrexas e templos con cemiterios	83,42 €
Cines e teatros	111,22 €
Bancos e caixas de aforros	278,05 €
Academias privadas	166,83 €
Centros docentes sen servizo de comedor	278,05 €
Centros docentes con servizo de comedor	556,10 €
Centros docentes con servizo de comedor e internado (por cada dúas prazas ou fracción)	55,61 €
Residencias de anciáns e xeriátricos (por cada dúas prazas ou fracción)	83,42 €
Centros de día, de ata 500 m ² totais	222,44 €
Centros de día de 500 ou máis m ²	389,27 €
Instalacións deportivas (excluído o servizo de bar ou cafeterías)	166,83 €
<i>Oficinas, despachos e servizos profesionais</i>	
En locais de 0-100 m ²	55,61 €
En locais de 100-200 m ²	166,83 €
En locais de 200-300 m ²	278,05 €
En locais de máis de 350 m ²	389,27 €
<i>Estacións de servizo</i>	
Gasolineira sen tenda comercial	166,83 €
Gasolineira con tenda comercial	222,44 €
Garaxes públicos (sen lavado e engraxe), por cada 25 prazas ou fracción	55,61 €
Talleres mecánicos e chapisterías ata 100 m ²	166,83 €
Talleres mecánicos e chapisterías de 100-200 m ²	278,05 €
Talleres mecánicos e chapisterías de mais de 200 m ²	389,27 €

TARIFAS ESPECIAIS		
EPÍGRAFES		Tarifa ANUAL
<i>Pequenos núcleos rurais</i>		
Tascas e pequenos negocios de venda ó por menor en núcleos de menos de 200 habitantes		55,61 €
<i>Fábricas, industrias e outras actividades non incluídas anteriormente, ou incluídas pero con produción de lixo que excede a relación de equivalencia, ou sitas en solo urbano industrial: por instalación de cada contedor de uso exclusivo, ó ano</i>		
Sen materia orgánica	1er contedor (800 l)	222,44 €
	2ª contedor e sucesivos, por cada un de menos de 800 l	111,22 €
	2ª contedor e sucesivos, por cada un de 800 l	166,83 €
	2ª contedor sucesivos, por cada un de máis de 800 l	278,05 €
Con materia orgánica	1er contedor (800 l)	556,10 €
	2ª contedor e sucesivos, por cada un de menos de 800 l	278,05 €
	2ª contedor e sucesivos, por cada un de 800 l	444,88 €
	2ª contedor sucesivos, por cada un de máis de 800 l	556,10 €

e) Modifícase a Disposición Derrogatoria, quedando redactada do seguinte xeito:

Coa entrada en vigor da presente ordenanza fiscal, quedarán derogadas as seguintes ordenanzas fiscais:

-Ordenanza fiscal reguladora de las tasas por los servicios intermunicipales delegados de recogida, tratamiento y eliminación de residuos sólidos urbanos y puntos limpios del Ayuntamiento de San Cibrao das Viñas (BOP núm. 295, de 26 de decembro do 2009).

- Ordenanza fiscal reguladora das taxas polos servizos intermunicipais delegados de recollida, tratamento e eliminación de residuos sólidos urbanos e puntos limpos do Concello de Amoeiro (BOP núm. 295, de 26 de decembro do 2009, modificada no BOP núm. 203, de 4 de setembro de 2014).

Ordenanza fiscal reguladora das taxas polos servizos intermunicipais delegados de recollida, tratamento e eliminación de residuos sólidos urbanos e puntos limpos dos concellos de Manzaneda e A Pobra de Trives (BOP núm. 295, de 26 de decembro do 2009, modificada no BOP núm. 203, de 4 de setembro de 2014).

-Ordenanza fiscal reguladora das taxas polos servizos intermunicipais delegados de recollida, tratamento e eliminación de residuos sólidos urbanos e puntos limpos dos

concellos de Os Blancos, Calvos de Randín e Trasmiras (BOP núm. 291, de 26 de decembro do 2011, modificada no BOP núm. 203, de 4 de setembro de 2014).

-Ordenanza fiscal reguladora da recollida do lixo de Rubiá (BOP 22 de decembro de 2001, modificada por acordo plenario de 12 de marzo de 2018, BOP de 22 de marzo de 2018)

-Ordenanza fiscal da taxa pola recollida de lixo do concello de A Rúa (BOP de 23 de decembro de 2008)

-Ordenanza fiscal reguladora da taxa de exacción da recollida de lixo e residuos sólidos urbanos de A Bola (BOP de 4 de setembro de 1993), modificada o 12 de novembro de 2001 (BOP de 17 de novembro de 2001), e posteriores modificacións (BOP de 14 de xaneiro de 2002 e BOP do 16 de abril de 2012)

- Ordenanza fiscal reguladora da taxa pola prestación do servizo de recollida domiciliaria de residuos sólidos urbanos de Riós, (BOP do 13 de decembro de 2003) modificada por acordo plenario de data 17 de xaneiro de 2014 (BOP de 6 de marzo de 2014)

-Ordenanza fiscal da taxa de recollida do lixo do Concello de O Bolo (BOP de 29 de xuño de 1991, e as súas posteriores modificacións publicadas nos BOP's de 28 de xaneiro de 1997, 15 de decembro de 1998, 14 de febreiro de 2000 e 28 de xuño de 2019

Igualmente, quedará derogada calquera disposición de igual ou inferior rango que contradiga, se opoña ou resulte incompatible co disposto na presente ordenanza fiscal.

f) Modifícase a Disposición Derradeira, quedando redactada do seguinte xeito:

O texto refundido da presente ordenanza fiscal entrará en vigor o 1 de xaneiro de 2020.

2º) O presente acordo someterase a información pública por prazo de trinta días hábiles, mediante anuncios que se publicarán no taboleiro de edictos, na sede electrónica, no Boletín Oficial da Provincia e nun dos diarios de maior circulación da provincia. O prazo de información pública computarase a partir do día seguinte ao da publicación do anuncio no BOP.

Durante o prazo de información pública, os interesados poderán examinar o expediente e formular as reclamacións que estimen oportunas, que deberán ser obxecto de resolución expresa polo Pleno da Corporación.

En caso de non formularse alegacións en prazo, entenderase elevado a definitivo o acordo de aprobación provisional, sen necesidade de novo acordo plenario.

3º) Aprobada definitivamente a modificación, procederase á publicación no BOP do texto íntegro da ordenanza resultante, facultándose á presidencia para a refundición do dito texto.

3º.- APROBACIÓN DA ADENDA MODIFICATIVA DO CONVENIO ASINADO ENTRE A CH DO MIÑO-SIL OA, A DEPUTACIÓN PROVINCIAL DE OURENSE E O CONCELLO DE ESGOS, PARA O FINANCIAMENTO, EXECUCIÓN E ENTREGA PARA O SEU MANTEMENTO E CONSERVACIÓN, DAS OBRAS DO PROXECTO DE PASEO FLUVIAL ENTRE TARREIRIGO E O NÚCLEO DE ESGOS (OURENSE).

O Sr. secretario da comisión dá conta do contido da proposta.

Non se producen intervencións e co voto favorable do Grupo Popular (5) e de Democracia Ourensana (1) e a abstención do Grupo Socialista (3), do BNG (1) e de Ciudadanos-Partido de la Ciudadanía, a comisión ditamina favorablemente a adopción, por parte do Pleno, do seguinte acordo:

1º. Aprobado a addenda modificativa do Convenio asinado entre a CH do Miño-Sil OA, a Deputación Provincial de Ourense e o Concello de Esgos, para o financiamento, execución e entrega para o seu mantemento e conservación, das obras do Proxecto de paseo fluvial entre Tarreirigo e o núcleo de Esgos (Ourense), consonte coas seguintes cláusulas:

CLÁUSULA PRIMEIRA.-Modificación do apartado primeiro da cláusula segunda.

Modifícase o segundo parágrafo do apartado primeiro da cláusula segunda, que queda redactado do seguinte modo: A súa vixencia concluirá o 25 de outubro de 2021. Con todo, se nesa data non finalizaron as actuacións obxecto do mesmo nin se procedeu á recepción das obras, liquidación do contrato, finalización do prazo de garantía, e entrega das obras conforme ao establecido na cláusula quinta os asinantes do convenio poderán acordar unanimemente a súa prórroga ata o período máximo restante previsto legalmente.

SEGUNDA.- Modificación do anexo I. Modifícase o anexo I anualidades, que queda establecido do seguinte modo:

	2017	2018	2019	2020	TOTAL
--	------	------	------	------	-------

CHMS, O.A.	0,00 €	7.011,96 €	90.663,93 €	34.824,11 €	132.500,00 €
DEPUTACIÓN DE OURENSE	0,00 €	7.011,96 €	90.663,94 €	34.824,10 €	132.500,00 €
TOTAL	0,00 €	14.023,92 €	181.327,87 €	69.648,21 €	265.000,00 €

TERCEIRA.- Entrada en vigor.

A presente addenda modificativa resultará eficaz tras a publicación no Boletín Oficial do Estado, previa inscrición no Rexistro Electrónico estatal de Órganos e Instrumentos de Cooperación, tal e como se deriva do artigo 48 da Lei 40/2015, do 1 de outubro e do apartado 2 da Disposición adicional sétima da citada Lei.

2º. Ao tratarse dun **gasto plurianual**, comprometerse ao cumprimento do réxime financeiro proposto, co compromiso de incluír no orzamento xeral desta Deputación para os exercicios seguintes as cantidades correspondentes, para asumir as anualidades do gasto indicadas.

4º.- APROBACIÓN DA SEGUNDA ADDENDA MODIFICATIVA E PRÓRROGA DO CONVENIO ASINADO ENTRE A CH DO MIÑO-SIL OA, A DEPUTACIÓN PROVINCIAL DE OURENSE E O CONCELLO DE BANDE, PARA O FINANCIAMENTO, EXECUCIÓN E ENTREGA PARA O SEU MANTEMENTO E CONSERVACIÓN, DAS OBRAS DO PROXECTO DE PROLONGACIÓN DO ACONDICIONAMENTO DAS MARXES DO RÍO BADELLA AO SEU PASE POLO NÚCLEO DE BANDE (OURENSE).

O **Sr. secretario da comisión** dá conta do contido da proposta.

Non se producen intervencións e co voto favorable do Grupo Popular (5) e de Democracia Ourensana (1) e a abstención do Grupo Socialista (3), do BNG (1) e de Ciudadanos-Partido de la Ciudadanía, a comisión ditamina favorablemente a adopción, por parte do Pleno, do seguinte acordo:

1º. Aprobar a segunda addenda modificativa e prórroga do Convenio asinado entre a CH do Miño-Sil OA, a Deputación Provincial de Ourense e o Concello de Bande, para o financiamento, execución e entrega para o seu mantemento e conservación, das obras do Proxecto de prolongación do acondicionamento das marxes do río Badella ao seu paso polo núcleo de Bande (Ourense), consonte coas seguintes cláusulas:

PRIMEIRA.- Obxecto da addenda.

O obxecto desta addenda é acordar a prórroga do convenio entre a Confederación Hidrográfica do Miño-Sil, a Deputación Provincial de Ourense e o Concello de Bande para o financiamento, execución e entrega para a súa mantemento e conservación das obras do proxecto de prolongación do acondicionamento das marxes do río Badella ao seu paso polo núcleo de Bande (Ourense), (BOE número 179, do 28 de xullo de 2017).

Así mesmo modifícanse as anualidades inicialmente establecidas no convenio sen modificar o importe total da actuación nin os compromisos de financiamento establecidos, nos seguintes termos:

1. Modificación do apartado primeiro da cláusula segunda.

Modifícase o segundo parágrafo do apartado primeiro da cláusula segunda, que queda redactado do seguinte modo: A súa vixencia concluirá o 31 de decembro de 2022. Con todo, se nesa data non finalizaron as actuacións obxecto do mesmo nin se procedeu á recepción das obras, liquidación do contrato, finalización do prazo de garantía, e entrega das obras conforme co establecido na cláusula quinta, os asinantes do convenio poderán acordar unanimemente a súa prórroga dentro dos límites temporais establecidos no artigo 49. g) da Lei 40/2015, de Réxime xurídico do sector público.

2. Modificación do primeiro parágrafo da cláusula quinta.

Modifícase o primeiro parágrafo da cláusula quinta, que queda redactado do seguinte modo: Para a execución do Convenio, establécense, inicialmente, as anualidades previstas no seguinte cadro:

ADMINISTRACIÓN	2019	2020	2021	TOTAL
CHMS, O.A.	0,00 €	224.000,00 €	12.000,00 €	236.000,00 €
DEPUT. OURENSE	0,00 €	56.000,00 €	3.000,00 €	59.000,00 €
TOTAL	0,00 €	280.000,00 €	15.000,00 €	295.000,00 €

SEGUNDA.- Entrada en vigor.

A presente addenda modificativa resultará eficaz trala publicación no Boletín Oficial do Estado, previa inscrición no Rexistro Electrónico estatal de Órganos e Instrumentos de

Cooperación, tal e como se deriva do artigo 48 da Lei 40/2015, do 1 de outubro e do apartado 2 da Disposición adicional sétima da citada Lei.

2º. Ao tratarse dun **gasto plurianual**, comprometerse ao cumprimento do réxime financeiro proposto, co compromiso de incluír no orzamento xeral desta Deputación para os exercicios seguintes as cantidades correspondentes, para asumir as anualidades do gasto indicadas.

5º.- APROBACIÓN DA MODIFICACIÓN DO CONVENIO ASINADO ENTRE A CH DO MIÑO-SIL OA, A DEPUTACIÓN PROVINCIAL DE OURENSE E O CONCELLO DA VEIGA PARA O FINANCIAMENTO, EXECUCIÓN E ENTREGA PARA O SEU MANTEMENTO E CONSERVACIÓN, DAS OBRAS DO PROXECTO DE ACONDICIONAMENTO, PROTECCIÓN E MELLORA DA CONECTIVIDADE DAS MARXES DO RÍO XARES AO SEU PASO POLOS NÚCLEOS DE XARES, PONTE E BAÑOS, NA VEIGA (OURENSE).

O Sr. **secretario da comisión** dá conta do contido da proposta.

Non se producen intervencións e co voto favorable do Grupo Popular (5) e de Democracia Ourensana (1) e a abstención do Grupo Socialista (3), do BNG (1) e de Ciudadanos-Partido de la Ciudadanía, a comisión ditamina favorablemente a adopción, por parte do Pleno, do seguinte acordo:

1º. Aprobar a modificación do Convenio asinado entre a CH do Miño-Sil OA, a Deputación Provincial de Ourense e o Concello da Veiga para o financiamento, execución e entrega para o seu mantemento e conservación, das obras do Proxecto de acondicionamento, protección e mellora da conectividade das marxes do río Xares ao seu paso polos núcleos de Xares, Ponte e Baños, na Veiga (Ourense), consonte coas seguintes cláusulas:

PRIMEIRA.-Modificación do apartado primeiro da cláusula segunda.

Modifícase o segundo parágrafo do apartado primeiro da cláusula segunda, que queda redactado do seguinte modo: A súa vixencia concluirá o 31 de decembro de 2021. Con todo, se nesa data non finalizaron as actuacións obxecto do mesmo nin se procedeu á recepción das obras, liquidación do contrato, finalización do prazo de garantía, e entrega das obras conforme co establecido na cláusula sétima, os asinantes do convenio poderán acordar unanimemente a súa prórroga por un período de ata catro anos adicionais.

SEGUNDA.- Modificación da cláusula duodécima.

A cláusula duodécima modifícase integramente do seguinte modo:

1.- A actuación obxecto deste Convenio entregaraselle definitivamente ao Concello da Veiga mediante mutación demanial que non alterará o réxime da titularidade das obras e instalacións obxecto desta, nin as facultades de inspección e control sobre eles que, en todo caso, lle corresponden ao Organismo de conca como titular.

2.- A Confederación Hidrográfica de Miño-Sil, O.A. consente expresamente que o Concello da Veiga poida xestionar a explotación, mantemento e conservación das obras obxecto do presente convenio, directa ou indirectamente, segundo o establecido na normativa vixente.

3.- As partes aceptan que a Confederación Hidrográfica do Miño-Sil, O.A. tramite, ante a Dirección Xeral de Patrimonio do Ministerio de Facenda e Función Pública, o correspondente expediente de mutación demanial interadministrativa, a favor do Concello da Veiga, ao abeiro do artigo 71.4 da Lei do patrimonio das administracións públicas, para a súa afectación ao servizo público competencia da entidade local.

TERCEIRA. - Modificación do anexo I.

Modifícase o anexo I engadindo as anualidades 2019 e 2020 e reaxustando as contías do seguinte modo:

	TOTAL	CONFEDERACIÓN HIDROGRÁFICA DO MIÑO-SIL (50%)	DIPUTACIÓN PROVINCIAL DE OURENSE (35%)	CONCELLO DE A VEIGA (15%)
2017	7.122,88 €	3.561,44 €	2.493,01 €	1.068,43 €
2018	16.054,62 €	8.027,31 €	5.619,12 €	2.408,19 €
2019	18.000,00 €	9.000,00 €	6.300,00 €	2.700,00 €
2020	358.822,50 €	179.411,25 €	125.587,87 €	53.823,38 €
SUMA	400.000,00 €	200.000,00 €	140.000,00 €	60.000,00 €

CUARTA. - Entrada en vigor.

A presente addenda modificativa resultará eficaz trala publicación no Boletín Oficial do Estado, previa inscrición no Rexistro Electrónico estatal de Órganos e Instrumentos de Cooperación, tal e como se deriva do artigo 48 da Lei 40/2015, do 1 de outubro e do apartado 2 da Disposición adicional sétima da citada Lei.

2º. Ao tratarse dun **gasto plurianual**, comprometerse ao cumprimento do réxime financeiro proposto, co compromiso de incluír no orzamento xeral desta Deputación para os exercicios seguintes as cantidades correspondentes, para asumir as anualidades do gasto indicadas.

6º.- MOCIÓN DE URXENCIA.- Non se presentan.

4º.- ROGOS E PREGUNTAS.- Non se producen.

E, ás 18.00 horas, dáse por finalizada a reunión, redactándose a presente acta que se asinará electronicamente. Dou fe.